


Bun Groi Sidah Bhawng Ka Caong Yesux



Lukax 7:36-50

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)


Puag Pua Pa Koe Plak Khaix

Ka daux been in ex tag sang yaox krax im ju ceu pui Isarilax tang khaing krax im ju ex heue. Bawg liang ex yaox grawng yam ih kix priex , kix nyat neung ti ih, ang ngawm ti ih priex awm ex. Bawg ra, ex yaox grawng sibun pa koe sidah bhawng pa priex ti een ka daux kawng simaox paing. Baux ju Yesux, sidah bhawng kied sidaing ting ngawh jum heue. Phan sibun an coh sidah bhawng nawh tag pon mau tom nie mai kub ti eei ju tix kah kaing khix (dex tix num) heue.


Krax pa nhi nai krai lao tau -

Maix sax pon khawng phak pa ting jum ceu pa tix khaing miex keeing maix? Phan ang mawh nan khaing tix kaux kaux lie?

Maix sax tawx khawng phak ceu pa tix ka pui tix kaux kaux lie?



Nyiex ma plak nie kix nyat neung
tix yam ih priex.




³⁶ Pharishie tix kaux nhie Nawh Cao hoek ti sawm tau mai tix mai Nawh Cao laig ka daux nyiex Pharishie an, ngawm neung dee sawm heue. ³⁷ Jhak heue, bun tix kaux ot ka daux veng an, pa mawh pui ting map mai yam mhong nawh grawh grawng Nawh Cao ngawm neung ka daux nyiex Pharishie an, nawh viex sidah bhawng ka daux kawng simaox paing,



³⁸ nawh cung plak khaix, dex caong Nawh Cao mai yiiem mai kieh rawm ngai tix cod piang caong Nawh mai teei hauk kaing tix awt kah mai ngheut caong Nawh Cao mai teei sidah bhawng an groi kah heue.


³⁹ Pharishie pa hoik kok Nawh Cao yaox grawng an, **nawh** keud ah nin ka daux tokaux tix, “Phan Pui in mawh Cao jhai, Nawh tee hoik tawng grawng bun pa teeh Nawh in, mawh pui pa yuh ka mawx, grawh grawng **nawh** mawh bun ting map heue.”




⁴⁰ Yesux ah nin ka nawh, “Simon eue, Aux koe ceu krai ka maix ceeix,” Kaw an ah nin, “Sara Cao Gau eue, krai heue”




⁴¹ Nawh Cao baux krai, “Cao tawx yaog yaing mau tix kaux, koe pui ceuk ka nawh ra kaux, tix kaux ceuk ka nawh denari phwan yieh plah mai tang kaux ceuk ka nawh tixphwan plah heue.



⁴² Mawh kheu ang kiex koe ti tawx ceuk an, nawh pluat ploi ceuk kiex khawm ra kaux heue. Ka daux kiex ra kaux, mawh kaw pa yuh ka mawx, pa nie lheu moh ka kaw an?”



⁴³ Simon baux pawk lox ah nin, “Aux ce kaw pa pluat nawh ceuk pa nie ting an, mawh pa nie lheu moh nawh heue.” Nawh Cao baux ah nin ka nawh, “Pa keud pa prawng maix hoik caw heue.”




⁴⁴ Nawh Cao deeh veeh ka bun an, ah nin ka Simon, “Yaox maix bun in lie? Yam laig Aux ka daux nyiex maix, maix ang tawx rawm khoek son caong Aux, viang mawh nan bun in hoik kieh rawm ngai nawh cod piang caong Aux mai awt ka hauk kaing tix heue.



⁴⁵ Maix ang ngheut ka Aux, viang mawh nan, jah yam laig Aux tin, tom yam in, bun in ngheut caong Aux ang jud ang jai heue.
⁴⁶ Maix ang groi rawm bee ka kaing Aux, viang mawh nan, bun in, hoik groi sidah bhawng ka caong Aux heue.



⁴⁷ Mawh kheu nan Aux krai ka maix, phimap nawh pa haoh pa hun, hoik pluat ploi. Mawh kheu nawh hoik moh tom nie. Viang mawh nan, pui pa pluat ploi ceeix ngie, moh ceeix ngie heue.” ⁴⁸ Nawh Cao ah nin ka bun an, “Hoik pluat hoik ploi phimap maix heue.”



⁴⁹ Kix pa ngawm neung ti sawm tau mai
Nawh Cao, keud ti ah nin ka dauk tokaux tix,
“Kaw in mawh mawx? Viang mawh phimap
kawx, Nawh khex ploi heue.” ⁵⁰ Nawh Cao
baox ah nin ka bun an, “Krax yum rhawm
maix hoik taoh maix, hu mhawm mhawm
heue.”

k. Deeh Thawk Theng

1. Yesux ih priex nyiex pui mawx?
2. Mawh pui mawx pa hoek yam sawm Yesux? Bun an yuh ka mawx?
3. Simon keud yuh ka mawx ka pa yuh bon an?
4. Yesux krai been pa tix ka Simon?
5. Yesux tiag krax pa rieb hoek toek bleeh Simon mai bon an yuh ka mawx? Pa tang siyox kiex mawh pa yuh ka mawx?
6. Khaix hoik krai Yesux grawng pui ceuk mau ra kaux, Nawh chawk Simon yuh ka mawx? Simon pawk lox Nawh yuh ka mawx?
7. Bawg ghok daux been in Yesux ah pa tix ka bun an? Yam mhong pui khankix lox ah Yesux, kix keud pa tix? Yesux pluat phimap bun an khu jao pa tix?

kh. Krax Pa Doh Rhawm Ka Been

1. Mawh khu jao pa tix bun an hoek kraix sidah bhawng ka caong Yesux? Maix keud yuh ka mawx?
2. Mawh khu jao pa tix Yesux krai grawng pui koe ceuk ra kaux?
(a) Yesux tiag “ceuk” ka ceu pa tix? Maix keud yuh ka mawx?
3. Maix keud Yesux yax pa tix daux rhawm rhi bun an?
Pa koe daux rhawm bun an mai pa koe daux rhawm Simon tang yuh ka mawx?
4. Mawh khu jao pa tix Yesux ah ka bun an “Hu mhawm mhawm heue”? (hu daux pa nhim). Maix keud ka lox in yuh ka mawx?

G. Krax Pa Deeh Shiao Daux Ju Tix Khaing Been

1. Phuk lai Sigang Khri ah bun in mawh kawn phimap. Pa chix ex ti ah phimap mawh pa yuh ka mawx?
- 2 . Ex sang chix jhi Yesux yaox krax pa doh keud ka phi map tix yuh ka mawx?

Ng. Ceu Pa Rieb Gau Ex Khaing Been

1. Ex khawmuik mawh kawn phimap, mawh kheu nan ex ang chix prawng ka tang kaux (a) mhawm ex khaing kix lie?
2. Yesux koe rhawm tix pluat ploi phimap pui pa yum rhawm ka Nawh mai pui pa doh keud ka phimap tix.
3. Yam chix tawng ex ti yaog yaw ka buan son Yesux, Nawh nawb buan ka piang ex.
4. Maix pon rieb gau ceu pa tix? Koe lox chawk maix tix ceu ceu lie?

Baux Lai Pa Caw Tix Ci

Lukax 7:50 Nawh Cao baox ah nin ka bun an, “Krax yum rhawm maix hoik taoh maix, hu mhawm mhawm heue.”